

आकाशवाणीखबरां

1. गृह मंत्री अमित शाह होरें नशीली दोआइएँ खलाफ रलियै लड़ने दा आह्वान कीता। उनें आखेआ जे नशे दी कवैथ राश्ट्री सुरक्षा ते नौजवानें दे भविकख दे रस्ते च चुनौती ऐ।
2. प्रधानमंत्री मोदी होरें आखेआ जे नशामुक्त भारत अभियान लोकें दी शमूलियत कन्नै जन आंदोलन बनी गेदा ऐ।
3. केंद्री मंत्री डा. जितेंद्र सिंह होरें आखेआ जे आर्टिथ्फिशल इंटेलीजेंस परमाणु ते क्वांटम तकनीकी पर भविकख दे विकास दी रफ्तार आधारित ऐ।
4. केंद्री मंत्री गजेंद्र सिंह शेखावत होरें आखेआ जे आर्टिफिशल इंटेलीजेंस नमिएँ काडुं दी नमीं नीह ऐ।
5. केंद्री मंत्री धर्मेन्द्र प्रधान अज्ज भूटान दे शिक्षा मंत्री Yeezang De Thapa हुंदे कन्नै मिले।
6. वाणिज्य मंत्री पीयूष गोयल होरें गी लंदन च भारत-ब्रिटेन सरबंध बेहतर करने लेई इक बशेष अवार्ड कन्नै सम्मानित कीता गेआ।
7. आप्रेशन एस्टीमेटेड तैहत भारत नै वेनेजुएला गी मानवता दी विनाह पर मदाद भेजी ऐ।

<><><><><><>

Shah-NCORD

गृह मंत्री अमित शाह होरें अज्ज नशीले पदार्थे खलाफ इक्कजुट होइये लड़ने दा आह्वान कीता। उनें आखेआ जे नशीले पदार्थे दा खतरा राश्ट्री सुरक्षा, समाजी स्थिरता, माली हितें ते नौजोआनें दे कन्नो-कन्नो देसै दे भविकख ताई बी खतरा ऐ। श्री शाह होरें आध्यात्मिक लीडरें, नौजवानें ते माताएं गी इस जंग गी जितने ताई इक्क मंच पर इक्कजुट होने दी अपील कीती। गृह मंत्री होरें एहू गल्लां नमीं दिल्ली च नार्को कोआर्डिनेशन सेंटर दी 10मीं उच्चि सतह आहली इक्क बैठक गी संबोधित करदे होई आक्खी। उनें आखेआ जे 2004 थमां 2014 तगर 26 लक्ख किलो सिंथेटिक नशीले पदार्थ जबत कीते गे जिल्ले के 2014 थमां 2026 बश्कार एहू मिकदार बधियै 1 करोड़ 18 लक्ख किलोग्राम होई गेई। श्री शाह होरें आखेआ जे एहू औकडे नशीले पदार्थे दी तस्करी खलाफ सरकारै दी कार्रवाई गी दस्सदे ना। नशीले पदार्थे खलाफ चलाए जा'रदे अभियानें बारै गल्ल करदे होई श्री शाह होरें आखेआ जे नार्कोटिक्स कंट्रोल ब्यूरो- एनसीबी नै ड्रग्स अपराधें कन्नै जुडी दी जानकारी देसै अंदर सांझा करने च मदाद ताई नेकां आनलाइन पोर्टल बनाए ना। एह्दे अलावा गृह मंत्री होरें नमीं दिल्ली थमां जम्मू ते गुवाहाटी च एनसीबी दे नमें बनाए गेदे जोनल दफ्तरें दा वर्चुअल ढंगै नै उद्घाटन बी कीता। जम्मू च एहू दफ्तर शैहरा दे बाहरले इलाके नरवाल च बनाया गेआ ऐ जेदा मकसद नशीले पदार्थे दी तस्करी ते नार्को आतंकवाद खलाफ लड़ाई गी मजबूत करना ऐ।

<><><><><><>

Shah-Drugs

गृह मंत्री अमित शाह होरें नशीली दोआइएँ दी कवैथू कन्नै लड़ने आहलें दिएं कोशिशें दी सराहना कीती। नशे खलाफ मनाए जा'रदे अंतरराश्ट्री ध्याड़े पर श्री शाह होरें आखेआ जे भारत नै नशे दी वैश्विक कवैथू खलाफ इक तगड़ी जंग छेड़ी दी ऐ। अपनी इक सोशल मीडिया पोस्ट च उनें आखेआ जे नशे दे ढांचे गी बेरहमी कन्नै तबाह कीता गेआ ऐ।

<><><><><><>

PM-Nasha

प्रधानमंत्री नरेंद्र मोदी होरें अज्ज आखेआ ऐ जे नशामुक्त भारत अभियान लोकें दी शिरकत कन्नै इक जन आंदोलन बनी गेआ ऐ। श्री मोदी होरें समाजी न्याय ते सशक्तिकरण राज्यमंत्री बी.एल वर्मा हुंदे नशा रैहत भारत दे निर्माण दी महत्ता विशे पर इक लेख गी सांझा करदे होई इयां आखेआ। अपनी इक सोशल मीडिया पोस्ट च प्रधानमंत्री होरें हर नागरिक दा आह्वान कीता जे ओहू नशामुक्त ते विकसित भारत दे निर्माण च अपना-अपना सहयोग देन।

<><><><><><>

AI-Jitendra

विज्ञान ते तकनीकी मंत्री डा. जितेंद्र सिंह होरें आखेआ जे आर्टिफिशल इंटेलीजेंस परमाणु, अंतरिक्ष ते क्वांटम तकनीकां, भविष्य दे विकास दी रफ्तार ते वैश्विक प्रतिस्पर्धा तय करडन। मंत्री होर अज्ज नमीं दिल्ली च मीडिया कन्क्लेव च बोला'रदे हे। डा. सिंह होरें आखेआ जे भारत इनें नमिएं तकनीकें च इक बड्डी ताकत बनियै उभरा'रदा ऐ। राश्ट्री क्वांटम मिशन बारै गल्ल करदे होई उनें आखेआ जे इस मिशन नै अपनी स्थापना दे 3 ब'रें च गै अपने लक्ष्य गी अहै शा बी मता हासिल करी लैते दा ऐ।

<><><><><><>

PM-Seychelles

प्रधानमंत्री नरेंद्र मोदी कल्लै थमां 29 तरीकै तगर सेशेल्स दे दौरे पर रौहंगन। ओहू सेशेल्स दे राश्ट्री ध्याडे दी स्वर्ण जयंती समारोह च विशिष्ट परौहने दे रूपै च हिस्सा लैडन। प्रधानमंत्री होरें एह्दे शा पैहलें 2015 च सेशेल्स दा दौरा कीता हा। भारती रक्षा बलें दा इक दल ते नौसेना दे दो जहाज बी समारोह च शामिल होंगन। प्रधानमंत्री होर सेशेल्स दे राश्ट्रपति डा पैट्रिक हर्मिनी हुंदे कन्नै दपक्खया सहयोग दे बक्ख-बक्ख पैहलुएं दी समीक्षा करंगन।

<><><><><><>

V. Prez. Karnatka

उपराश्ट्रपति सी.पी राधाकृष्णन होर कल्लै थमां कर्नाटक दे 2 दिनी दौरे पर होडन। ओहू कल बेंगलुरू च नादप्रभु श्री केम्पेगोडा दी 517मीं जयंती समारोह च शामिल होडन। श्री राधाकृष्णन होर तारें बेंगलुरू च राजीव गांधी स्वास्थ्य विज्ञान यूनिवर्सिटी दे स्थापना दिवस ते नशीले पदार्थ दे गलत इस्तेमाल ते तस्करी खिलाफ अंतरराश्ट्री कार्यक्रम तैहत आयोजित नशा भारत सम्मेलन च हिस्सा लैडन।

<><><><><><>

Gajendra

केंद्री संस्कृति ते सैलसफा मंत्री गजेंद्र सिंह शेखावत होरें अज्ज आखेआ जे आर्टिफिशल इंटेलीजेंस, नवीकरण, पारदर्शिता ते कौशल विकास दी इक नमीं नीह बना'रदी ऐ। अज्ज नमीं दिल्ली च भारती चार्टर्ड अकाउंटेंट्स संस्थान आसेआ आयोजित ए.आई इन्नोवेशन शिखर वार्ता च बोलदे होई मंत्री होरें आखेआ जे विकसित भारत दे धेइयै गी हकीकत रूप च बदलने लेई अज्जै कल्लै आहली तकनीक ते नमियां काहडां इक महत्वै आहली भूमिका निभाई सकदियां न।

<><><><><><>

Dharmendra-Pradhan

केंद्री शिक्षा मंत्री धर्मेंद्र प्रधान होरें अज्ज भूटान दे शिक्षा मंत्री Yeezang de Thapa हुंदे कन्नै मलाटी कीती। अपनी इक सोशल मीडिया पोस्ट च श्री प्रधान होरें आखेआ जे गल्लबात दरान शिक्षकें दी सिखलाई, कौशल विकास ते रोजगार मुहैया कराआने, डिजिटल शिक्षा ते आर्टिफिशल इंटेलीजेंस, टिकाऊ सैलसफे, पारम्परिक औषधिएं ते पूरे-पराते विकास बारै मुख्तौरा पर चर्चा कीती गई। मंत्री होरें आखेआ जे दौनें मुलखें च शिक्षा, नमिएं काहडें ते समर्थ निर्माण जनेह बड्डे मंचें पर इक-दुए कन्नै रलियै कम्म करने दा बडा मता समर्थ मौजूद ऐ।

<><><><><><>

Goyal-Award

वाणिज्य ते उद्योग मंत्री पीयूष गोयल होरें लंदन च ब्रिटेन दे बपार ते उद्योग मंत्री पीटर काइल कन्नै गल्लबात कीती। श्री गोयल होरें सोशल मीडिया पोस्ट च दस्सेआ जे इस दरान भारत ते ब्रिटेन बश्कार बपार ते आर्थिक सहयोग बधाने दे मौकें पर चर्चा होई। श्री गोयल होरें दस्सेआ जे भारत ते ब्रिटेन बश्कार बपार ते आर्थिक सहयोग बधाने दे मौकें पर चर्चा होई। श्री गोयल होरें दस्सेआ जे भारत ते ब्रिटेन बश्कार व्यापक आर्थिक ते बपार समझौता 15 जुलाई थमां लागू होग।

<><><><><><>

Ram Temple FIR

उत्तर प्रदेश पोलीस नै श्रीराम जन्मभूमि तीर्थ क्षेत्र ट्रस्ट दे चढ़ावे ते दान कन्नै जुड़े दे कथित गबन आहले मामले च दर्ज पैहली एफ.आई.आर दे 8 नामजद दोशियें गी गिरफ्तार कीता ऐ। एह एफआईआर मुखमंत्री योगी आदित्यनाथ हुंदे निर्देश पर गठित बशेष जांच दल-सिट दी सिफारिश मगरा श्री राम जन्मभूमि थाने च दर्ज कीती गई। शकैत ट्रस्ट दे सदस्य कृष्णमोहन होरें दर्ज कराई ही। सिट नै जंदे मंगलवारें अपनी मुण्डली रिपोर्ट सरकार गी सौंपी ही जेदे मगरा कल मामला दर्ज कीता गेआ।

<><><><><><>

German-Ambassador

भारत च जर्मनी दे राजदूत फिलिप एकरमैन होरें आखेआ ऐ जे भारत नवीकरणीय उर्जा दे खेत्तर च वैश्विक नेतृत्व दी भूमिका निभा'रदा ऐ। इक खबर एजेंसी कन्नै गल्लबात च उनें आखेआ जे भारत ते जर्मनी बश्कार बपार, सियासत ते रणनीतिक क्षेत्रें च सहयोग लगातार मजबूत होआ'रदा ऐ। भारत-यूरोपीय संघ मुक्त बपार समझौते पर राजदूत एकरमैन होरें मेद प्रगट कीती जे एहदे पर तौले सहमति बनोग।

<><><><><><>

India-US

अमरीका च आयोजित दुए पैक्स सिलिका शिखर सम्मेलन च कल भारत नै 34एं दुए मुखें कन्नै रलिये आर्टिफिशल इंटेलीजेंस प्रौद्योगिकिएं गी तगड़ा बनाने लेई अमरीका दे नेतृत्व आहली इक पैहल पर दस्तखत कीते। अमरीका दे आर्थिक मामलें दे उपविदेश मंत्री जेकब हेल्बर्ग होरें आखेआ जे ए.आई.मौके पर शामिल होने आहले देसं ए.आई.युग लेई विकास समर्थक ते नवाचार समर्थक नियमन दृष्टिकोण दा समर्थन कीता।

<><><><><><>

Muharram

अज्ज आशूरा-ए-मुहर्रम पर प्रधानमंत्री नरेंद्र मोदी होरें हरजत ईमाम हुसैन हुंदे उच्च बलिदानें गी चेते कीता। अपनी इक सोशल मीडिया पोस्ट च उनें आखेआ जे हजरत ईमाम हुसैन म्हेशां सच्चाई ते न्याय दी बत्ता टुरने दी प्रेरणा दिंदे रौहडन।

<><><><><><>

Venezuela-Aid

विदेश मंत्री डा. एस. जयशंकर होरें अमिस्ताद मुहिम शुरू करने दी घोशणा कीती जेदे तैहत भारती ब्हाई सेना दे दो सी-17 जहाज, मानवता दी बिनाह पर जरूरी मदाद लेइयै भूंचाल प्रभावित वेनेजुएला लेइयै रवाना होए। अमिस्ताद, स्पैनिश भाशा दा शब्द ऐ जेदा मतलब ऐ दोस्ती। अपनी इक सोशल मीडिया पोस्ट च डा. जयशंकर होरें आखेआ जे मदाद च इक भारती सेना फील्ड अस्पताल युनिट ते 35 टन शा बी मती सप्लाई भेजी गई ऐ जेदे च दोआइयां, मेडिकल संयंत्र ते उपकरण ते दो .. शामिल ना। उनें आखेआ जे भारत इस मुश्कल घड़ी च वेनेजुएला दी सरकार ते लोकें कन्नै ऐ।

<><><><><><>

PM-Mann ki Baat

प्रधानमंत्री नरेंद्र मोदी होरे औंदे ऐतवार गी आकाशवाणी दे मन की बात कार्यक्रम च देस विदेश दे लोकें कन्नै अपने बचार सांझे करडन। एह माहवार रेडियो कार्यक्रम दी 135मीं कड़ी होग। एहदा प्रसारण आकाशवाणी ते दूरदर्शन दे सब्बनं चैनलें, ए.आई.आर न्यूजी दी वेबसाइट ते न्यूज आन एआईआर मोबाइल ऐप पर कीता जाहग। कन्नै गै ए.आई.आर न्यूज, डी.डी न्यूज, प्रधानमंत्री कार्यालय ते सूचना प्रसारण मंत्रालय दे यू.ट्यूब चैनलें पर बी एहदा सिद्धा प्रसारण कीता जाहग। हिंदी प्रसारण दे तुरत मगरा क्षेत्रीय भाशाएं च बी कार्यक्रम दा प्रसारण कीता जाहग।

<><><><><><>

FIFA

फीफा विश्व कप फुटबाल च आस्ट्रेलिया नै ग्रुप-डी दे अपने अखीरी मैच च पराग्वे कन्नै ड्रा खेडियै नाकआउट चरण च थाहर बनाई लैती ऐ। ग्रुप-डी दे इक दुए मैच च तुर्किये नै अमरीका गी 3-2 कन्नै हराइयै टूर्नामेंट च अपने अभियान दा जित्त कन्नै समापन कीता। जपान ते स्वीडन दा मुकाबला 1-1 गोल दी बरोबरी पर खत्म होआ। दौनों

टीमें अखीरी 32एं च थाहर बनाई लैती ऐ। अगले दौर च जपान दा मुकाबला 5 बारी दे चैंपियन ब्राजील कन्नै होग।

<><><><><><>

Hockey

हाकी च लंदन च खेड्डी जा करदी एफ.आई.एच प्रो. लीग दे इक्क मैच च अज्ज भारत दा मुकाबला पाकिस्तान कन्नै होग। मैच राती साड्डे 10 बजे थमां खेड्डेआ जाह्ग। एह्दे शा पैहले होए दे इक्क मैच च भारत नै पाकिस्तान गी 4-3 कन्नै हराया हा। भारत गी कल इंग्लैंड खलाफ होए दे मैच च 4-1 कन्नै हार दा सामना करना पेआ हा।

<><><><><><>

Sadhu-Yatra

औंदी 3 जुलाई थमां रम्भ होने आहली सालाना श्री अमरनाथ जी दी जाततरा शा पैहले जम्मू च धार्मिक जोश जज्बा बदा करदा ऐ। देस भर थमां साधु संत शैहरै च पुज्जा'रदे न ते शैहरै च हर-हर महादेव ते बम बाम भोले दे जयकारे गूंजा'रदे न। पुरानी मंडी दा ऐतिहासिक राम मंदर औने आहले संतें दे किट्टे होने दी इक्क बड्डी थाह बनी गेआ ऐ। उत्तर प्रदेश, राजस्थान, मध्य प्रदेश, गुजरात, महाराष्ट्र, हरियाणा ते होर दुए नेकें राज्यें थमां आध्यात्मिक गुरू पवित्तर अमरनाथ जी दी गुफा च बर्फानी बाबा दे दर्शनें गितै जम्मू पुज्जी गे न।

<><><><><><>

Yatra-Security

अमरनाथ जाततरा शा पैहले सुरक्षा बवस्था तैहत सुरक्षा एजेंसिएं अज्ज व्यापक गश्त क्षेत्र नियंत्रण अभ्यास ते घेराबंदी ते तपाशी अभियान चलाए। अधिकारिएं दस्सेआ जे इनें अभियानें दा उद्देश्य सुरक्षा बवस्था गी मजबूत करना, शांति ते सतर्कता बनाई रखना ते औंदी 3 जुलाई गी शुरू होने आहली श्री अमरनाथ जाततरा दरान जात्रुएं लेई सुरक्षित म्हौल यकीनी बनाना ऐ। इस दरान पुलस नै केंद्री अर्धसैनिक बलें ते सीमा सुरक्षा बल दी सांझ भ्याली ते बन्ने कन्ने लगदे क्षेत्रें च संयुक्त तौरा पर गश्त लाई। एह्दा उद्देश्य बन्ने उप्पर सख्त निगरानी रक्खना, असमाजिक गतिविधियें गी रोकना ते सुरक्षा दे निगगर बंदोबस्तें गी यकीनी बनाना हा। सुरक्षाकर्मियें अभ्यास दरान मुकामी लोकें कन्नै बी गल्ल कीती ते गड्डियें दी जांच बी कीती गेई।

<><><><><><>